

www.BibleForChildren.org



Génesis 6



Kaychömi qelqaraykan Noé imano
kawashqanpis. Runakuna
jusalikur kawayaptinpis Noéqa
Tayta Diosman yärakur pay
munashqannömi kawarqan.
Maysaychöpis runakuna

jusalikuylaman uman
churakash
kayqaqta
rikarmi Noéta Tayta
Dios nirqan: . . .



... <<Kay pasacho lapan runakunatami
ushakäsishaq. Paykunami jusayuq
kaykäyan kay pasacho wanusinakuy
kananpaq. Sayno kayashqanpitami kay
pasacho kaqkunata chipyaq
ushakäsishaq.>>



<<Sayno kananpaq kaykaptinqa aska
cuartuyuq jatunkaray arcata weqiyuq
qerupita ruray. Yaku mana yaykunanpaq
uchkunkunata jananpa y rurinpa
breawan lutanki.>>



<<Say arcata ruranki pachak kimsa chunka pisqa (135) metru larguta.


Anchuynintana ruranki ish kay chunka ish kay metru pulanta (22.5).
Altuynintana ruranki chunka kimsa metru pulanta (13.5).>>



<<Saynöpis arca rurinman
imaykaläya mikuykunata
pirwanki. Say mikuytami
qamkunapis y uywakunapis
mikuyanki.>>




<<Saynöpis arcaman yaykasinki kay pasacho kaq
tukuy niraq uywakunata chinan orquta, qamkuna
salvakuyashqaykino uywakunapis
salvakuyänanpaq.>>




Püru kaq uywakunataqa qanchis chinata qanchis
orquta arcaman yaykasinki. Impüru kaqta
isanqa chinan orqulata yaykasinki.





Diluviupita
salvakuyänanpaqmi
arcaman Noé yaykurqan
warminwan, surinkunawan
y lumsuyninkunawan.





Say karqan mushuq wata
qalaykushqanpita juk killa
ushaskir chunka qanchis junaqmi.
Say wisan Noé kaykarqan soqta
pachak (600) watayuqmi. Pasa
rurinpitami yaku aska pashtamurqan.
Saynölami ciëlucho yakuta saparaykaq
punkupis kichakämurqan.





Saymi chusku chunka (40) paqas y
chusku chunka junaq mana salpiypa
tamyarqan.



Sayno tamyaptin waranlanta
waranlanta yaku mas juntaptinmi
arca aynar qalaykurqan.



Altunnin jirkakunatapis sapashqanyaqmi yaku
juntarqan. Kay pasacho kawaqkuna lapanpis
shenqaypa wanurmi ushakäyarqan.



Tayta Dios manami qonqarqansu
Noéta ni arcacho kaykaq
uywakunatapis. Saymi yaku
walkänanpaq wayräsimurqan. Say
wayrawanmi yaku walkar
qalaykurqan.





Saypitanami kacharqan
juk palumatana pasa
sakikashqanta o mana
sakishqantapis
musyamunanpaq.




Ishkay kaq killacho ish kay chunka qanchis (27) junaq
kaykaptinmi pasa sakishna kaykarqan.


Saymi Noéta Tayta Dios nirqan:

<<Kananqa warmikiwan, surikikunawan
y lumsuynikikunawan
arcapita yarquyayna.>>



Yarquskirnam Noé juk altarta perqarqan Tayta Diosta
adorananpaq.
Nirkurmi cada ayllu
püru kaq
uywakunapita y
pajaqkunapita pishtarkur
altarcho sacrificiuta
rupasirqan.





<<Tukuy casta
uywakunawan y
lapan runakunawan
pactu rurashqäta
imaypis yarparänäpaqmi
pukutaycho seqyawta
rikakäsimumshaq.

Say seqyawmi imaypis
señal kanqa kay pasawan
pactuta rurashqäta
yarpänäpaq.>>

Saymi pasa
janaanpa pukutay
shamuptin
seqyawta
rikakäsimumshaq.
Say seqyaw ichiptinmi
yarpäshaq qamkunawan

y kay pasacho kaq
lapan casta
uywakunawan pactuta
rurashqäta. Saymi kay
pasata yakuwan imaypis
ushakäsishaqnasu.



Nirkurmi Noétawan
surinkunata Tayta Dios
bendicionninta qoshpan nirqan:
<<Kay pasaman
juntäyashqaykiyaq mirayay.>>



<<Noépa surinkunami
kayarqan Sem, Cam y Jafet. Say
kimsan surinkunawanmi arcapita
Noé yarqayämurqan. Cam karqan
Canaánpa papäninmi. Noépa
kimsan surinkunapitami
kay pasacho lapan
runakuna

mirayash.>>



Runakunata kuyashpanmi juklayla
Surinta Tayta Dios kachamurqan.
Saymi pipis payman yärakuq kaqqa
ushakanqasu, saypa trukanaq mana
ushakaq kawayta tarinqa.



Romanos 3:23 Lapan runakuna jusayuq karmi Tayta Diospa nawpanman chayta kamäpakuyansu.

Romanos 6:23 Jusalikuyqa wanuymanni apamansi. Señorinisi Jesucristo noqansi rayku wanush kaptinmi Tayta Dios dembaldila salvamansi nawpancho imayyaqqis kawanansipaq.

Hebreos 9:27 Saynölami lapan runakunapis juk kutila wanuyan y saypitaqa juzgashnami kayanqa.

Efesios 2:8,9 Tayta Dios kuyapäkuq karmi Jesucristuman yärakush salvacionta qaramashkansi. Manami kikinshipitasu ni alita rurashqansipitasu salvacionta tarishkansi, sinöqa Tayta Diospitami. Saymi pipis alabakur ninqasu: <<Alikunata rurashqäpitami Tayta Dios salvamash>>.



Romanos 10:9,10 Jesucristo ämuyki kashqanta nirqa y wanushqanpita Tayta Dios kawarisimushqanta lapan shonquykikunawan criyirqa salvashqami kayanki.

Lapan shonquykiwan criyiyaptikiqa Tayta Dios perdonayäshunkimi. <<Señor Jesucristuqa äümümi kaykan>> niyaptikiqa Tayta Dios salvayäshunkimi.

Juan 3:16,17 Runakunata kuyashpanmi juklayla Surinta Tayta Dios kachamurqan. Saymi pipis payman yäraquq kaqqa ushakanqasu, saypa trukanqa mana ushakaq kawayta taringa. Manami runakunata infiernuman qaykunanpaqsu Tayta Dios Surinta kachamurqan, saypa trukanqa payman yärukuyaptin salvananpaqmi.



1 Juan 5:11-13 Mana ushakaq kawayta qomashqansitami
Tayta Dios tantiyasimashkansi. Say kawaytaqa tarinsi
Surin Jesucristuta chaskikurmi. Tayta Diospa Surinta
chaskikuq kaqqa mana ushakaq kawaytami tarin. Mana
chaskikuq kaqmi isanqa say kawayta tarinqasu. Tayta
Diospa Surinman yarakuyaptikimi kay cartata apaykäsümü
mana ushakaq kawayta tariyashqaykita musyayänaykipaq.



Génesis 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Quechua Huamalíes-Dos de Mayo Huánuco Bible (qvh) ©
2003, Wycliffe Bible Translators, Inc. All rights reserved.

<https://www.bible.com/bible/670/2CO.5.QVHB>

©2025 Bible for Children, Inc.

www.M1914.org

www.bibleforchildren.org

